

## 新市蓮霧節答喙鼓紅字念國語

我是我是..上台一鞠躬           〈先看清楚鄭枝南師公坐在哪兒〉

1. 「透早天打霧，烏鶯騎水牛，順序提茄薯，後宅撿蓮霧」

2. 無~妳碎碎念是咧念啥物.聽起來足有學問.

1. 今那日是新市的白蓮霧節.是一件大代誌..所以唸詩句來配合一下..應景一下

2. 我社會行較無透.頭一擺聽到有蓮霧節..喔~恁新市出頭有夠濟

1. 聽講這是頂屈的區長發明的.伊足愛激頭腦.一下要按呢一下仔要按呢..

2. 我看是驚新市無夠鬧熱.攔煩惱區公所的人傷閒..

1. 哎喲.妳一支嘴胡瑞瑞..佢天公伯仔借膽..你敢知影頂屈的區長.是咱老師的老師..咱要尊稱伊一聲師公呢

2. 有影喔..咱的關係足複雜.

1. 妳一支嘴吱吱彈.腳川欲予人犁田.緊甲師公回一下仔失禮

1.2. 〈兩人拱手〉師公萬福吉祥.平安喜樂..失禮失禮..

1. 咱今那日是欲來為白蓮霧節幫讚..毋通看到師公就忘記了了

2. 那妳按呢講是有道理

1. 佇早年逐冬的5月到7月是白蓮霧大出的時陣

2. 大出就是得時

1. 即碼毋是**母語教學時間**..加話免講
2. 好啦..毋過後來逐項果子愈來愈濟..白蓮霧就較無人關心囉..差一點仔就去予斷種去.

1. 有夠驚險.好理佳在..經過區公所俗鄉親序大的打拚一直挽救..即碼白蓮霧變做是咱新市的特色囉..

**2. 沒錯沒錯..還做出很多白蓮霧的相關產品喔**

1. 今那日咱就利用這個機會講幾句仔好話..祝白蓮霧節鬧熱成功

1.2. 請了

1. 蓮霧切壹 ping5 .予恁甲區長借錢毋免還

2. 莫耍啊

1. 吃蓮霧予恁逐項有

2. 吃蓮霧予恁起樓仔厝

1. 蓮霧甜甜.予大家大賺錢

1.2. 祝大家身體健康.行路有風.事業旺旺旺.我是.我是.下台一鞠躬

**大社國小母語老師廖青香擬稿 2016/06/18**